

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), člana 25. Statuta Općine Centar Sarajevo, Odluke o izvršavanju Budžeta Općine Centar Sarajevo za 2022. godinu („Službene novine Kantona Sarajevo“, br 5/22), Općinski načelnik donosi:

P R A V I L N I K **o dodjeli novčanih poticaja za kupovinu stočne hrane**

I OPĆE ODREDBE

Član 1. (Predmet)

Ovim Pravilnikom se uređuju uslovi i postupak za izbor korisnika novčanih poticaja za kupovinu stočne hrane planiranih u Budžetu Općine Centar Sarajevo za 2022. godinu, namijenjenih poljoprivrednim proizvođačima koji se bave uzgojem stoke, peradarstvom i pčelarstvom.

Član 2. (Namjena korištenja sredstava)

Finansijska sredstva, u skladu sa ovim Pravilnikom namjenjena su isključivo za nabavku stočne hrane.

Član 3. (Iznos sredstava)

- 1.) Finansijska sredstva će biti dodijeljena u skladu sa usvojenim Budžetom Općine Centar Sarajevo za 2022. godinu. Komisija za izbor korisnika o dodjeli novčanih poticaja za kupovinu stočne hrane namijenjenih podršci stočnom fondu (u daljem tekstu: Komisija) će, u saglasnosti s Općinskim načelnikom, a uzimajući u obzir broj prijavi i raspoloživa finansijska sredstva, te u skladu sa članom 5. i 7. ovog Pravilnika, odrediti iznos podrške po prijavi.
- 2.) Korisnik je dužan dodijeljena sredstva koristiti namjenski, a prema zahtjevima navedenim u prijavi na Javni poziv (Obrazac I- Prijavni obrazac).

Član 4.

(Postupak za ostvarivanje prava)

Pravo na učešće u Projektu imaju svi zainteresovani poljoprivredni proizvođači koji ispunjavaju uslove definirane članovima 5. i 6. ovog Pravilnika, a koji imaju mjesto prebivališta i drže stoku na području općine Centar, te ispunjavaju druge uslove propisane ovim Pravilnikom.

II USLOVI I POTREBNA DOKUMENTACIJA ZA OSTVARIVANJE PRAVA UČEŠĆA KANDIDATA U PROJEKTU

Član 5.

(Uslovi za ostvarivanje prava učešća u Projektu)

Pravo na dodjelu novčanih poticaja za kupovinu stočne hrane mogu ostvariti kandidati pod sljedećim uslovima:

- a) Da podnosilac zahtjeva ima prebivalište i da drži stoku na području Općine Centar Sarajevo;
- b) Da je registrovan kao poljoprivredni proizvođač u Općini Centar ili da ima Rješenje o registraciji subjekta kod nadležnog organa;
- c) Da je podnosilac zahtjeva upisan u RPG i RK (Registar poljoprivrednih gazdinstava i Registar klijenata), a pčelari da su pored navedenog upisani i u RP (Registar pčelara) kod nadležne općinske službe i da je izvršeno ažuriranje podataka u 2021. godini;
- d) Da podnosilac zahtjeva ima potvrdu o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo (obrazac A-11);
- e) Da podnosilac zahtjeva ima otvoren i aktivan račun u banci.

Član 6.

(Podnošenje potrebne dokumentacije)

Kandidat koji želi ostvariti pravo na dodjelu novčanih sredstava dužan je dostaviti dokumentaciju kojom dokazuje ispunjavanje uslova, u originalu ili ovjerenim kopijama, i to:

- a) Zahtjev za dodjelu sredstava (potpisan od podnosioca);
- b) Uvjerenje o prebivalištu (ne starije od mjesec);
- c) Potvrda o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo - obrazac A-11 (ovjereni kopija);
- d) Potvrda o otvorenom i aktivnom računu u banci (original ne stariji od mjesec dana).

Ovjerene kopije dokumenata ne smiju biti starije od 3 mjeseca.

III FINANSIRANJE PROJEKTA

Član 7.

(Nosilac aktivnosti za realiziranje Projekta)

- 1.) Služba za privredu i poslovne prostore je nosilac aktivnosti vezanih za realizaciju Projekta.
- 2.) Sredstva za realizaciju projekta obezbjeđena su u Budžetu Općine Centar Sarajevo za 2022. godinu na ekonomskom kodu 615200 u iznosu od 30.000 KM.
- 3.) Prijavitelj po Javnom pozivu dodjele novčanih sredstava za kupovinu stočne hrane ostvaruje pravo na novčani iznos i to:
 - a) Za jedno grlo krupne stoke 60 KM (min. 2 grla - max. 20 grla krupne stoke);
 - b) Za jedno grlo sitne stoke 12 KM (min. 30 grla - max. 120 sitne stoke);
 - c) Za 100 koka nosilja 60 KM (min. 100 - max. 1500 koka nosilja);
 - d) Za pčelare: za jedno pčelinje društvo 8 KM (min. 50 - max. 100 pčelinjih društava).

IV IZBOR KANDIDATA

Član 8.

(Objavljivanje Javnog poziva)

- 1.) Služba za privredu i poslovne prostore će objaviti Javni poziv za dodjelu novčanih poticaja za kupovinu stočne hrane na području Općine Centar putem dnevnog lista, na web stranici i oglasnoj ploči Općine Centar Sarajevo, kao i na oglasnim pločama mjesnih zajednica na kojima je dozvoljeno držanje stoke.
- 2.) Javni poziv sadrži: uslove koje kandidat mora ispunjavati, rok za podnošenje prijave i druge opće podatke. Odluka o rezultatima Javnog poziva će biti objavljena na web stranici Općine Centar Sarajevo. Kandidati koji ostvare novčani poticaj će biti obavješteni pismenim ili telefonskim putem.
- 3.) Javni poziv za dodjelu novčanih sredstava namjenjenih podršci stočnom fondu za 2022. godinu sadrži:
 - a) Predmet javnog poziva;
 - b) Cilj poziva i namjenu sredstava;
 - c) Pravo učešća;
 - d) Uslove za dodjelu stočne hrane;
 - e) Sadržaj potrebne dokumentacije;
 - f) Način i rok za podnošenje zahtjeva.

Član 9.

(Rješavanje zahtjeva)

- 1.) Rješavanje zahtjeva za dodjelu novčanih poticaja vrši se na osnovu pristiglih pojedinačnih prijava kandidata na Javni poziv.
- 2.) Odluku o dodjeli novčanih poticaja poljoprivrednim proizvođačima koji se bave uzgojem stoke, na prijedlog Komisije donosi Općinski načelnik.
- 3.) Korisnici koji nisu ostvarili pravo na poticaj imaju pravo na žalbu u roku od 15 dana nadležnoj službi od dana objave Odluke o dodjeli novčanih poticaja na web stranici Općine Centar Sarajevo.

Član 10.

(Imenovanje i rad Komisije za izbor korisnika novčanih poticaja za kupovinu stočne hrane)

- 1.) Komisiju imenuje Općinski načelnik.
- 2.) Komisija se sastoji od najmanje tri člana iz reda državnih službenika.
- 3.) Komisija radi u punom sastavu i za svoj rad je odgovorna Općinskom načelniku.
- 4.) Komisija ima zadatak da u skladu sa odredbama ovog Pravilnika i na osnovu propisanih kriterija objavljenih u Javnom pozivu izvrši vrednovanje dostavljenih prijava, sačini pismeni izvještaj sa utvrđenim Prijedlogom raspodjele sredstava i dostavi ga Općinskom načelniku.
- 5.) Na osnovu prijedloga Komisije, Općinski načelnik će donijeti Odluku o dodjeli novčanih poticaja za kupovinu stočne hrane, te će ista biti objavljena na web stranici i oglasnoj ploči Općine Centar Sarajevo.
- 6.) Na osnovu Odluke o dodjeli novčanih poticaja za kupovinu stočne hrane poljoprivrednim proizvođačima koja se bave uzgojem stoke, Općinski načelnik će sa odabranim Korisnicima zaključiti Ugovor.

Član 11.

(Kontrola utroška sredstava)

- 1.) Odobrena sredstva će biti uplaćena na bankovni račun Korisnika.
- 2.) Korisnik kome budu dodijeljena finansijska sredstva dužan je, u roku od tri (3) mjeseca od dana isplate sredstava, Službi za privredu i poslovne prostore dostaviti Izvještaj o namjenskom utrošku dobijenih sredstava.
- 3.) Ukoliko Korisnik sredstava ne dostavi izvještaj, u skladu sa predhodnim stavom i sa svom pratećom dokumentacijom, Općina Centar Sarajevo će pokrenuti postupak za povrat sredstava.

V ZAVRŠNE ODREDBE

Član 12.

(Nadzor)

Realizaciju i nadzor u procesu dodjele i implementacije podsticajnih sredstava u skladu sa odredbama ovog Pravilnika vršiće Općinski Načelnik putem Službe za privredu i poslovne prostore.

Član 13.

(Vremenska važnost Pravilnika)

Pravilnik stupa na snagu danom objave na oglasnoj ploči Općine Centar.

Broj: _____
Sarajevo, _____. 2022. godine

OPĆINSKI NAČELNIK

Srđan Mandić